

- 1. KANTONALNO TUŽILAŠTVO KANTONA SARAJEVO** - Sarajevo, ulica Radićeva broj 6, koju zastupa Glavna Kantonalna tužiteljica Kantona Sarajevo Dalida Burzić (u daljem tekstu: **Naručilac radova**), **ID :4200223290004**;
- 2. „NOVA GRADNJA” d.o.o. Vogošća, ul. Branilaca Vijenca b.b., 71320 Vogošća, kojeg zastupa direktor Dino Alić, ID: 4201333090007 (u daljem tekstu: Izvođač);**

zaključuju slijedeći :

**UGOVOR O NABAVCI SANACIONIH RADOVA KOMPLETNE PODNE
KONSTRUKCIJE TREĆEG SPRATA KANTONALNOG TUŽILAŠTVA
KANTONA SARAJEVO**

Član 1.

Izvođač radova se obvezuje da sa svojim radnicima, koji su spremni i kvalifikovani, izvede sanacione radove kompletne podne konstrukcije trećeg sprata Kantonalnom tužilaštvu Kantona Sarajevo koji podrazumijeva sljedeće radove:

1. Demontaža starog daščanog pokrova, spuštanje na zemlju, utovar na kamion i odvoz na deponiju – 175 m².
2. Nabavka, doprema, podizanje u potkrovlje objekta, ugradnja daske colarice kao daščani pokrov preko međuspratnih drvenih greda (patošenje), koju je prije ugradnje neophodno premazati zaštitnim sredstvom „drvocidom“ – 175 m².

Član 2.

Izvođač radova preuzima obvezu da nabavi građevinski materijal, neophodan za izvođenje radova iz tačke I. ovog Ugovora.

Član 3.

Dopremu materijala na mjesto izvođenja radova vršit će Izvođač.
Izvođač je dužan da se stara o dopremljenom materijalu kao dobar privrednik.

Član 4.

Naručilac ima pravo da vrši nadzor nad obavljanjem ugovorenog posla i da daje uputstva Izvođaču, kada to odgovara prirodi posla.

Član 5.

Naručilac posla se obvezuje da Izvođaču radova na ime utrošenog materijala, transporta materijala i na ime naknade za izvršeni rad prema ovom ugovoru isplati iznos od 3.850,00 KM bez PDV-a odnosno 4.504,50 KM sa PDV-om, najkasnije u roku od 15 dana od uredno isporučene fakture za uredno izvršene radove, na transakcijski račun broj: 1154 160 200 814 3021, otvoren kod Intesa San Paolo banke.

Član 6.

Izvođač radova odgovara Naručiocu posla za kvalitet upotrijebljenog materijala i za kvalitet izvedenih radova.

Izvođač radova dužan je da radove izvrši u dogovorenom roku, kako je ugovoreno i po dobrim poslovnim običajima i pravilima struke.

Izvođač radova dužan je da osigura mjesto izvođenja radova tako da njima ne budu ugroženi ili dovedeni u opasnost radnici koji izvođe radove, niti treće osobe, a u slučaju kakvih propusta u tom pogledu, on snosi odgovornost.

Član 7.

Izvođač radova se obvezuje da radove predviđene ovim ugovorom završi najdalje u roku od 7 (sedam) dana od naloga za početak radova naručioca radova, a o primopredaji posla načinit će se zapisnik.

Član 8.

Naručilac može raskinuti ovaj ugovor i prije ugovorenog roka, ako:

- a) se izvođač ne pridržava uslova ugovora,
- b) izvođač općenito ne radi kako treba, i
- c) ne pridržava se roka za izvršenje ugovorenih radova.

U slučajevima iz prethodnog stava, Naručilac može tražiti da mu Izvođač nadoknadi pričinjenu štetu.

Član 9.

Ugovorne strane su se saglasile da se u odnosu na pitanja koja nisu uređena ovim ugovorom primjenjuju odgovarajuće odredbe Zakona o obligacionim odnosima.

Član 10.

Eventualne sporove nastale pri realizaciji ovog ugovora, ugovorne strane će nastojati riješiti sporazumno, a ukoliko to nije moguće nadležan je Općinski sud u Sarajevu.

Član 11.

Ugovor je sačinjen u 4 istovjetna primjerka, od koji svaka strana zadržava pod 2 primjerka.

Izvođač radova:
„NOVA GRADNJA” d.o.o. Vogošća

Direktor

Broj: 849/NG/2018
Sarajevo, 06.07.2018. god.

Naručilac radova:
KANTONALNO TUŽILAŠTVO
KANTONA SARAJEVO
Glavna Kantonalna Tužiteljica

Dalida Burzić

Broj: A-III-30/18-IV
Sarajevo, 06.07.2018. god.